

Dunghlanz: Gicuj Denyingj Dinj Vahcuengh 《Deqcaj》 Haeuj Hagdangz Angqhoh Ciet Lwgnyez “Roek It”

东兰：壮语微电影《等候》剧组走进学校欢度“六一”儿童节

5 nyied 31 hauh banhaet, Dunghlanz Yen Minzyijigiz daiq aen gicuj denyingj dinj Vahcuengh 《Deqcaj》 byaij haeuj Dunghlanz Yen Lauzdung Siujyoz, daeuj daengz 41 ban aen ban laeq yienj boux vunzcawj iq bouh denyingj neix haenx, caeuq daengx ban doengzhag gvaq aen ciet lwgnyez “roek it” youh angq youh miz yi yi he.

Youq ndaw hozdung yienh Minzyijigiz cujyau lingjdauj doenggvaq caeuq doengzhag doxdoengh fuengsik, sawj daihgya roxdaengz gij rengzhoengh daegbied vah minzcuz caeuq cih saw minzcuz, gujli gyoengq doengzhag daj didi diemjdiemj ndaw ngoenznaengz gvaq saedcej haenx swncienz caeuq hungzyangz bonj minzcuz vwnzva. Linghvaih, doenghboux youq ndaw heiq yienj haenx hix faenbied gangj gij gojgaeq gamjdoengh vunz gyoengqde youq ndaw goepingj seizde haenx, caiq gag langhyienj bonjfaenh dinfwngz daengj hingzsik, biujdap le doiq gyoengq doengzhag ngoenzlaeng maqmuengh caeuq gujli.

Aen hozdung neix angqangq riuriu, yienh Minzyijigiz lij yiengq 41 ban giensoengq hawj hagsib yunghdawz.

(Veiz Vanjsw/韦婉姿)



▲ Hozdung sat le hab'ingj.

Liujcwngz: Mbanjungzhoj Vunzlai Ndaem Makyungz Fouz Goenghah Vutgungz Baenzfouq

柳城：贫困村群众种植无公害番茄脱贫致富

Bineix, gaep Swcigh mbanjungzhoj—Liujcwngz Yen Cunghmwz Cin Dayau Cunh gaenxmaenx fatok gij cozyung daih' it suhgi youq ndaw mbanj caeuq boux ndaem ciengx maenh' ak haenx, cimh cinj dinghvi hawciengz, cihciz caeuq yinx gyoengq vunzlai nungzminz caeuq hohgungzhoj hwngfat ndaem byaek fouz goenghah canjyez—lien benq haifat ndaem makyungz fouz goenghah. Duenh neix daeuj, makyungz fouz goenghah gaenq cug ndaej gai lo. Bingzyaenz mouxcanj it fanh goenggaen, hawciengz sou gyaqcienz moix goenggaen 2—2.6 maenz, bingzyaenz moux canjiez 2 fanh daengz 2.6 fanh maenz, ginghci yauyiz gig ndei, vih vutgungz gunggeng laeb le ndei yienghbanj.

(Dwng Gwzyi/邓克轶)



▲ Hohgungzhoj ndaem makyungz fouz goenghah ndaej vutgungz baenz-fouq.



▲ Ningzmingz Yen Cunghsinh Siujyoz roengzrenz cauhguh seiq yenz, saedyienh angqyangz sonhag.

Ningzmingz:

Roengzrenz Cauhguh “Seiq Yenz” Saedyienh Angqyangz Sonhag

宁明：倾力打造“四园” 实现快乐教育

Ningzmingz Yen Cwngzcungh Cin Cunghsinh Siujyoz gaenxmaenx damqguh cawjdaez banhag daegsaek “angqyangz sonhag”, roengzrenz dapguh aen' gyaq lozciz hagdangz angqyangz sonhag, doenggvaq “yauyenz gyaunde” “yozyenz gvaianq” “lozyenz mizyinx” “gyayenz raeujrub” seiq aen yenz neix cauhguh hwnjdaej saedyienh angqyangz sonhag. Doenggvaq hagdangz angqyangz sonhag, roengzrenz gungganq hagseng miz gyaek cingzvaiz, miz gij heiq gyaunde, miz gij heiq lingzdoengh, sawj gyoengqde miz gij suciz caeuq naengzlig ma angq gvaq saedcej, bietdingh au mizgij hwzsinh suyangj caezcienz lij doiq sevei miz ik haenx.

(Cauh Yizganh/周贻刚 Banh Sin'anh/潘信安)

Lungzswng: Ndawhag Banh Ciet Gijgwn Ndeigwn Coux “Roek It”



龙胜：办校园美食节迎“六一”

5 nyied 31 hauh, Lungzswng Gak Cuz Swciyen Youwzyenz banh aen hozdung bouxlgw caeuq bohme “ciet vwnzva gijgwn ndeigwn ndawhag coux roek it”, gyoengq lwgnyez caeuq bohme itheij guh souswh, ceizraemxrouh, cazyouz, gyaujswj daengj gijgwn ndeigwn, lij guh bangaep gijgwn ndeigwn “doxcimz doxbingz” gyaulouz, vuenvuen heijheij ciepcoux ciet lwgnye gozci “roek it” daeuj daengz.

(Banh Cisiengz/潘志祥)

▲ Hagdangz caeuq bohranz banh ciet ndeigwn. angahoh ciet bwenvez roek it.